


DAW KABA-4

PRUMATAI



SHANHTE GAW, BUM NI HTE NAWNG HKYENG
DU HKRA HKAN NANG SA MA AI. DAI KAW DU
JANG, HKRING NNA DAI HKA NAWNG HPE
KANING RAI RAP LAI LU NA LAM BAWNG MA AI.




HPYEN LENG NI
HPE HKYEN SHAJIN
DA MU. HEBRE NI
HPE HKAN SHACHYUT
MU. YAWNG SAT
KAU MU. SHING N
RAI, NDAI DE BAI
I WOI WA MU.

HPARA-U GAW, SHI A SHADANG SHA
A MAJAW YAWN HKYEN AI HPANG,
MI SHAWNG NA HTA GRAU MASIN
PAWT WA SAI. SHI A MAYAM NI HPE
HPA MAJAW DAT KAU DAT SAI KUN?


MADU
HKAWHKAM
TSUN AI HKU
RAI U GA.

PRU MAT 14:5-7



YU MU! EGUTU
HPYEN DAP SHANI
SA WA RA AI. ANHTE
NDAI NAM MALI KAW
LAM PAT HKRUM SAI.


ANHTE HPE NDAI KAW
SA SI NA MATU MAWSHE
WOI SHAPRAW SA WA AI RE.
KARAI KASANG KABAI DA AI
NDAI SHARA KAW SI NA MALAI,
MAYAM TAI NGA AI MAHTANG
GRAU KAJA AI.



PAI, HKRA,
MAKAI DE BUM NI,
SHAWNG DE HKA, PAT
DA SAI. ANHTE LAM
PAT MAT SAI.

YA ANHTE HPE
HKYE LA NA MATU
KARAI KASANG HPA
N GALAW LU SAI.

LAWT LAM N MU AI HEBREE NI HPE
EGUTU NI MU HKRUP NNA MAWSHE
GALAW DAT AI MAJAW SHANHTE
HKRUM SHA AI RUYAK NNI NKRI NI
HPE MYIT DUM DAT JANG
SHANHTE SAT NA JIN MASAI.




NANHTE DU
AI KAW TSAP NGA
MU. KARAI KASANG
GAW ANHTE HPE
ATSAM KABA HKU
HKYE LA NA RE.

KARAI KASANG GAW,
H PARA-U A MYIT MASIN HPE
KALANG MI BAI SHAJA YA SAI. DAI
NI LAI AI HPANG, EGUTU HPYEN
DAP HPE PRAT TUP NANHTE N
MU LU SANA RE.



HEBRE MASHA NI HPE EGUTU HPYEN DAP
AGRAWP KAU NA ZAWN RAI WA AI SHALOI,
LAMU DE NA HTAT AI WAN SUMMWI SHADAW
YU WA NNA, SHANHTE A LAM HPE PAT KAU
YA SAI. DAI SHANA HEBRE MASHA NI GAW
HTAT AI NSIN CHYIP HTA NGA MA AI.



MAWSHE GAW SHI A SUMDOI
HPE PANGLAI N TSA DE SHARAWT
LADAWN DAT YANG, LAMU DE
NA NBUNG KABA BUNG WA NNA,
PANGLAI HPE GARAN KAU DAT AI
MAJAW, PANGLAI HTUMPA HTA
HKRAW AI LAM SHABYIN DAT AI.



NDAI GAW HKIK HKAM DIK
MAUHPA LAMIK KUMLA RAI
NGA AI. ISRAELA KASHU
KASHA NI GAW, HKRAW AI
HKARANG LAM HKU PANGLAI
HPE RAP DI LAI WA MA AI.

DU NA RA AI TEN HTA SHANHTE GAW
PANGLAI HPE LAM SHABYIN DAT AI
KARAI KASANG A LAM MAHKAWN
MANGOI NA RAI NGA MA AI. MASHA
SHAGU GAW KARAI KASANG LANGAI
SHA NGA NNA, SHI A MYING YEHOWA
RE AI HPE CHYE LU NA MARA AI.



NDAI GAW EGUTU
MUNG E ANHTE MU
LU AI LAM YAWNG
HTA GRAU SAI.

AGA... ANHTE
A KARAI KASANG
GAW YAWNG HTA
KAJA DIK SHE RAI
NGA AI. ANHTE
PANGLAI KA-ANG
KAW DU NGA SAI.



**YOSHIA... NANG
MANA NNI? DAI KAW
NA HPRAWNG MAT U.
NANG HKA HPUNG YAWT
N CHYE AI N RAI NI?**



NGAI NDAI NGA
TSAWM HPE AHTAWK
HKRA MAYU AI.

HEBRE MASHA NI
GANOI HKA RAP KAWT
LU YANG, EGUTU MASHA
NI HPE PAT SHINGDANG
DA AI HKA SHAKUM HPE
KARAI KASANG LA KAU
SAI. PANGLAI LAHKAWNG
BRANG GARAN DA AI HPE
SHANHTE N MU AI
MAJAW HEBRE NI HPE
HKAN SHACHYUT MA AI.

SHAWNG
DE RAWT MU,
HEBRE NI HPE
SAT KAU MU


PRU MAT 14:22-23





DAI NI,
YEHOWA A A'TSAM
HPE NANHTE
MU LU SAI.

YU MU, HKA BAI
NHTANG WA RA AI.
SHANHTE YAWNG LUP
SI NA SHA RAI SAI.



EGUTU HPYEN LA YAWNG PANGLAI
HTA LUP SI MAT MASAI. SHANHTE A
HPUN HPARA, NLLING HPARA NI GAW
SHANHTE HPE N HKYE LA LU MA AI.


PRU MAT 14:27-28

SI MANG NI HPE
SHE YU YU MU. EGUTU
SI MANG NI PANGLAI
HPRING MAT SAI.




TENG SHA, YEHOWA
CHYU SHA KARAI KASANG
RAI NGA AI. SHING RE AI
KAGA KADAI N GALAW LU
AI. NDAI NHTOI HPE
ANHTE PRAT DINGSA A
DUM NGA NA GA AI.

HEBRE KASHU KASHA NI GAW
PANGLAI HTE EGUTU SI MANG NI HPE
SHINGDU DAT KAU DA NNA, NAM
MALI KABA DE MAWSHE HTE SUMMWI
LAM WOI AI HKU HKAN SA MA AI.
SHANHTE EGUTU MUNG NA LA GUN
WA AI LUSHA MATUT SHA MA AI.




NHTOI TSAWM-RA HKRUN LAM HKAWM
AI HPANG SHANHTE HPE LAM WOI AI
SUMMWI GAW HKA HTUNG NI NGA AI
SHARA KAW HKRING MAT AI. HEBRE
MASHA NI GAW, SHANHTE GUN AI
LUSHA MA AI TEN DU HKRA, DAI KAW
BUT NGA MA AI. SHANHTE LUSHA BAI
LU LA NA SHARA N NGA SAI. MYIT
MADA LAM N NGA SAI ZAWN RAI SAI.




RE... ANHTE
HPE NDAI KAW SI
SHANGUN NA MATU
WOI PRU WA NNI?

NDAI KAW NGA NA HTA
EGUTU MUNG E ANHTE NGA
YANG PYI NAW GRAU KAJA
SAI. MAYAM TAI YANG HKRU
HKRU SHA LU AI. NDAI KAW
HPA MUNG N NGA AI.




NGAI TSUN AI
MADAT MU. NANHTE
GAW NGAI HPE A-PUT
A-NGUN DI AI N RAI,
ANHTE HKAN NANG
NGA AI KARAI KASANG
HPE A-PUT A-NGUN
NGA MYIT DAI.

YEHOWA GAW, LAMU
DE NA MUK JAHKRAT YA NA
NGA TSUN AI. JAHPAWT SHAGU,
GA HTA DAI MUK HKRAT TAW NGA
AI HPE NANHTE MU NA RE.
NANHTE DAI HPE HTA SHA
NA SHA RAI SAI.



MAWSHE HPA TSUN
A TA? ANHTE KANING DI
LUSHA LU LA NA KUN? MA
NI KAW SI JAWNG SAI.

JAHPAWT SHAGU,
LAMU DE NA MUK
HPE YEHOWA JAHKRAT
YA NA NGA NNA SHI
TSUN NGA AI.



JAN PRU WA TEN DU SAI.
MAWSHE TSUN AI HTE MAREN,
GA N TSA E MUK TAW NGA
NA KAM NNI?

MUK N NGA TAW
YANG, ANHTE KYET
SI NA SHA RAI SAI.

LAMU DE
NA MUK HKRAT
WA AI NGA,
NA GA NNI?

N NA GA AI. PANGLAI
HKU LAM PRU WA AI MUNG GALOI
N NA GA AI. MAWSHE A NDAI KARAI
KASANG GAW NGA YAWNG NGA PRA
HPE HPAN DA AI WA MAI BYIN AI. LAMU
DE NA MUK JAHKRAT YA NA GAW, SHI
A MATU NAU YAK NA N SHADU NNGAI.
ATEN DU SAI. SA YU YU GA.

PRU MAT 14:21-22,
30.1 6:2-3, 16:7-8



SHI TSUN AI HTE
MAREN LAMU DE
NA MUK LE...

ANHTE HPA MAJAW
KAM HTE N KAM
GAYAU GA TA?



**SHE YU YU
MU... SHARA
SHAGU MUK.**

**OH... MU AI
LU... LAGAT
NTSIN ZAWN
NGA AI.**


**TENG SHA, YEHOWA
GAW KARAI KASANG RAI
NNA, MAWSHE GAW SHI A
MYIHTOI RAI NGA AI.**

SHANHTE NAM MALI E SHA A NGA
NGA DINGSA, KARAI KASANG GAW
SHANHTE HPE LAMU DE NA LAMU
KASA NI A LUSHA HTE BAI NGA AI.



SHANHTE BUT NGA AI SHARA N TSA E SUMMWI
KA-UP NGA DINGSA, HEBRE MASHA NI GAW HKA
HPAWK KAW NA HKA LU LET, LAMU DE NA MUK HPE
SHA MA AI. RAI TIM, SUMMWI SIT MAT JANG,
SHANHTE ARAI BAWN NNA, SHANHTE N CHYE AI
NAM MALI DE SUMMWI A HPANG HKAN MA AI.






RAI TIM, SHANHTE A
LU HKA MA MAT AI
ATEN DU WA SAI.

SHI GAW
ANHTE HPE
MUK JAW NNA,
YA ANHTE HPE
HKA HPANG GARA
SI SHANGUN
HKYEN SAI.

KADE N NA
YANG ANHTE LU
HKA N LU YANG
GAW NYE SHAYI
SHA MA SI
NA RE.




ANHTE EGUTU E NGA TA
YANG ARAI SAI. LANI MI RAI YANG
ANHTE A DUSAT NI YAWNG SI MA NA
RE. DAI HPANG ANHTE A KASHA NI
SI MAT NA. NA A BAW HPE ANHTE
NLUNG HTE JAWM ABREP KAU
YANG MAI NA RE.

KARAI
KASANG GAW
ANHTE HTE NGA
NGA AI KUN? N
NGA AI KUN?

YHOWA
KAW, NGA I GA
SA SHAGA
NA NNGAI.

PRU MAT 16:14-15, 17:2-4;
SHAKAW KUNGDAWN 78:24-25



KARAI KASANG
GAW HPA GALAW
NA LAM MAWSHE
HPE TSUN AI.

YEHOWA A
ATSAM HPE SA YU YU
MU. NANHTE GAW SHI
HPE N KAM MYIT DAI.
NANHTE GAW, A-PUT
A-NGUN CHYU RAI
MYIT DAI.

SHI GAW NANHTE
HPE MUK JAW SAI.
YA, NDAI NHPAI
LUNGKRING HTA NA
HKA BAI SHAPRAW
YA NA RA AI.





KAWWWK...!

GOI E...

PRU MAT 17:5-6

HKA GAW, HKA
NU ZAWN LWI
PRU WA AI.





SUMMWI BAI HTAWT SIT MAT NNA,
HEBRE AMYU MASHA NI LIT BAW LET,
SINA MYING AI BUM DE DU HKRA
DAI SUMMWI HPANG HKAN MA AI.

DAI KAW MAWSHE
AKYU HPYI NNA, SHI
HPE KARAI KASANG
GA BAI SHAGA AI.


EGUTU MASHA NI
A N TSA NGAI GALAW AI
LAM YAWNG, SHANHTE HPE
NGAI KANING DI BAI AI LAM,
LUNG RAWK KAW NA HKA
HPE KANING RAI SHAPRAW
AI LAM TSUN DAN U.



**SHANHTE NYE A
TARA NI HPE MADAT
MARA HKAN SA YANG
MUNGKAN TING HTA
SHANHTE NYE A LAKSAN
AMYU MASHA NI TAI NA
LAM SHANHTE HPE TSUN
DAN U. SHANHTE MADAT
MARA YANG HKAWHKAM
HKINJAWNG AMYU TAI
NA LAM TSUN DAN SU.**


MAWSHE, NANG HTE
GA SHAGA YANG HTAT AI
SUMMWI HTA NGAI SA
SHAGA NNA NGAI NAN
TSUN AI LAM SHANHTE
CHYE LU NA MARA AI.



A man with a long white beard and a yellow robe is shown from the chest up, holding a sword. He is looking towards the right. The background is dark and indistinct.


MAWSHE GAW BUM
NTSA NA YU WA NNA,
KARAI KASANG TSUN
AI GA YAWNG SHANHTE
HPE TSUN DAN AI.

ANHTE MADAT
MARA NA GA AI. KARAI
KASANG TSUN AI YAWNG
HKAN SA NA GA AI.


A man in a green robe and a man in a blue robe are shown from the chest up. The man in green is on the left, and the man in blue is on the right. They are both looking towards the right. The background is dark and indistinct.

DAI RAI YANG
WA MU. NANHTE A
HPUN PALAWNG HKRUT
NNA HKA SHIN KAU MU.
KARAI KASANG HPE NAWKU
DAW JAU NA MATU NANHTE
HKUM HPE HKYEN LAJANG
SHAJIN DA MU. YA KAW NA
MASUM YA DU YANG,
NANHTE HPE KARAI
KASANG SA KAWAN
NA RA AI.

KARAI KASANG HKANG DA AI HTE
MAREN, MASUM YA DU AI SHANI,
SHAWA MASHA YAWNG GAW KARAI
KASANG HPE ALA NA MATU, BUM
LAGAW HTA SA ZUPHPAWNG MA AI.
MAUHPA SUMMWI GAW, DAI BUM N TSA
DE YU WA NNA KA-LIP KAU SAI....


A comic book illustration showing a man standing on a rocky ledge or cliff, addressing a large crowd of people below. The man is wearing a brown robe and a turban, and is holding a long staff or sword. The crowd consists of many people, mostly men, wearing blue or grey robes and head coverings. The background features a large, dark, rocky structure on the right and a mountain range in the distance under a cloudy sky. The overall color palette is dominated by blues, greys, and browns, with a yellowish glow around the man on the cliff.

**MAWSHE...
BUM N TSA DE
LUNG WA RIT.**

A man with curly hair, wearing a yellow robe and a dark tunic, stands on a rocky ledge. He is looking towards the right. Behind him is a bright, glowing light source, possibly a sun or a fire, creating a strong backlight effect. The background is a dark, textured surface, possibly a cave or a mountain.

**MAWSHE...NGAI GAW,
NANHTE HPE EGLTU MUNG KAW
NA WOI SHAPRAW WA AI YEHOWA
RE...NANG BUM LAGAW DE YU WA
YANG BUM GRUP GRUP
NHPAN WA KUM U.**

**NDAI BUM HPE
KAGA MASHA NI SA
HKRA YANG, SHANHTE SI
NA RE. SHAWA MASHA NI
HPE NANG WA TSUN DAN
NA MATU, NYE A TARA NI
HPE NGAI JAW DAT
NA NNGAI.**



NGAI HTA KAGA HPARA
SHAJE HKUM NAW.
NANG NAWKU DAW JALI
YANG LANG NA MATU HPA
SUMLA MUNG HKUM
GALAW.

NYE A AMYING NINGSANG
HPE N SUN N ANG AI HKU
PAGAWN PARA MAJOI MI
KAMAN LILA HKUM GANG,
HKUM TSUN.


BAT MI HTA SANIT YA
SHANI HPE GAW NGAI HPE
NAWKU NA MATU SAN DA
RA AI.

NA NNU YAN NWA HPE
HKUNGA SHAGRAU U.
MASHA HKUM SAT.
NA HKUNGRAN DA AI
NINGRUM NINGTAU HTA
KAGA

HTE HKUM SHAN HKUM
KANAWN.
HKUM LAGU.

KAGA MASHA NI A LAM
NTENG NMAN AI SAKSE
GA HKUM TSUN.

KAGA MASHA MADU AI
HPA ARAI HPE MUNG MYIT
HKUM MARIN.



BUM N TSA NA MAWSHE
YU WA YANG, ISRAELA
SALANG 70 HPE SHAGA
ZUPHPAWNG NNA SHANHTE
HPE KARAI KASANG A TARA
KANU NI TSUN DAN AI.


ANHTE DAI
TARA NI HPE
HKAN NA GA AI.

DAI TARA NI GAW
KAJA AI TARA KANU
NI RAI NGA AI.

NANHTE MARAI 70 GAW,
NGAI HTE RAI BUM DE BAI NHTANG
WA RA NA RE. KARAI KASANG GAW NGAI
HPE HKRUM SHAGA AI ZAWN NANHTE HPE
DAI KAW HKRUM NA RE. NANHTE NAN MU
LU NA MYIT DAI. RAI, TIM, KARAI KASANG
NGAI HPE TSUN AI YAWNG, LAIKA BUK
HTA SHAWNG KA DA RA NA RE.

MAWSHE GAW, KARAI KASANG TSUN
AI HKU HKRAK AZIN AYANG KA DA SAI.
SHI N KA SHUT NA MATU SHI HPE
KARAI KASANG A WENYI KARLUM YA AI.



A man with a beard and curly hair, wearing a yellow robe, is shown in profile from the waist up. He is holding a large, unrolled scroll with both hands and looking towards a crowd of people. The crowd consists of many individuals, mostly men, wearing head coverings and simple clothing. The background is a simple, light-colored wall with some faint lines suggesting a structure or landscape. The overall style is that of a comic book illustration.

MAWSHE GAW, DAI GA
NI HPE KA DA NGUT
JANG, SHAWA MASHA NI
HPE SHAGA ZUPHPAWNG
NNA HTI DAN AI.

KARAI KASANG
TSUN AI GA
YAWNG KAJA NGA
AI. ANHTE HKAN
SA NA GA AI.

SHING RAI, ISRAELA AMYU SHA NI
GAW KARAI KASANG HTE GA SHAKA
TAWN DA MA AI. SHANHTE HPE SHI
SHAMAN YA NNA, ASAK JAW NA.
ISRAELA NI HPE SHANHTE A HPYEN
NI A LATA NA HKYE LA NA. SHANHTE
MUNG, SHI A TARA YAWNG HPE
HKAN SA NNA DINGHPRING AI
HKU HKAWM SA NA MARA AI.



KARAI KASANG GAW ASAI WAN NAT
HKUNGGGA NAWNG YA NA MATU HTE
SHAWA MASHA NI HPE SAI LAPRI BUN
NA MATU MAWSHE HPE HTET DA AI.

MAWSHE YAN ARUN KAW NA
HKAWT, MASHA YAWNG GAW
YUBAK KAP NNA SI GING AI HKRAI
RE. RAI TIM, KARAI KASANG GAW
MATSAN DUM MYIT RAWNG NGA AI.



LAWT NA LAM HPE SHI LAJANG YA SAI. AMYU SHA NI HPE ASAI LAPRI
BUN YANG SHANHTE SI GING TIM, SHANHTE A YUBAK MARA MAGAP
KAU NNA, SHANHTE HPE KARAI KASANG N SAT KAU SANA RE.
SI GING AI MARA N LU AI SAGU KASHA GAW, SI GING AI MASHA
LAW LAW A MATU SI HKAM SAI.



YA NANHTE A YUBAK
MARA NI HPE MAGAP KAU YA
SAI MAJAW, NANHTE MARAI 70
GAW NGAI HTE RAI BUM N TSA
DE LUNG NNA, KARAI KASANG A
HPUNG SHINGKANG HPE MU
LU NA MYIT DAI.




SHINGRAI, SALANG 70 GAW
MAWSHE HPE KARAI KASANG GA
SHAGA AI BUM N TSA DE MAWSHE
HTE RAI LUNG WA MA AI.

SHANHTE A MAN DE
AKAJAWNG SHA, KARAI
KASANG A TING NYANG
DAN PRU WA AI.



**KARAI
KASANG A HPLUNG
SHINGKANG!**



BUM N TSA DE MAWSHE LUNG
MAT WA NNA, KARAI KASANG
A HPLUNG SHINGKANG DE
SHANG MAT AI HPE SALANG
70 HKAN MU DAT MA AI.

**TSAWM
DIK SAI!**

HPUNG
SHINGKANG
WA I?

MAWSHE
ZAWN KARAI
KASANG HTE MAN
HKRUM GA SHAGA
AI MASHA N
NGA SAI.


PRU MAT 24:9-10

MAWSHE... NGAI HPE
NAWKU NA MATU SUM
LANGAI MI AMYU SHA NI HPE
GAP SHANGUN U. NGAI HPE
HKUNGA NAWNG YA NA
MATU HKUNGRI LANGAI
SHALAWM NNA, BAN HTE BAN
HKINJAWNG AGYI WA NGAI
HTE HKRUM NA, CHYOI PRA
AI SHARA MUNG MASAT
SHALAWM SHANGUN U.



DAI NAWKU SUM HPE
GARA HKU GAP NA, HKRAK
NGAI MATSUN DAN NA. LEWI
AMYU LAKUNG NI GAW
HKINJAWNG TAI NNA, ARUM
HTE SHI A SHADANG SHA NI GAW
HKINJAWNG AGYI NI TAI NA RAI
NGA AI. SHANHTE GAW SHAWA
MASHA NI HPE DINGHPRING AI
LAM SHARIN YA NNA, AMYU SHA
NI YUBAK MARA SHUT YANG
HKUNGGGA NAWNG
YA NA RAI NGA AI.






BUM N TSA DE
SHI LUNG MAT WA
AI LABAN BAT HKU
SHE RAI SAI. YA NA
DARAM NGA YANG
SHI SI NA SAI.

RE... NDAI NAM MALI
KAW ANHTE PRAT DINGSA
N DUNG NGA LU AI.

MAWSHE
ZAWN ANHTE
HPE LAM WOI
NA HPARA LANGAI
ANHTE RA SAI.

ANHTE A
MATU AJA
HPARA SUMLA
GALAW GA.



MAWSHE SI
MAT SAI. ANHTE
HPE EGUTU DE BAI
WOI NHTANG WA
NA AJA HPARA
SUMLA HPE
ARUN GALAW YA
NA RE.

NANHTE
A AJA JAW
MARIT.

MASHA A-NGAWK NI GAW, SHANHTE
A LATA HTE DUMSU LA SUMLA
SHACHYAW NNA HPARA NGU
SHAMYING MA AI. SATAN YUBAK
GARAI N SHUT HPYIT YANG, SHI
GAW DAI DUMSU LA SUMLA RAI NGA
AI. SHAWA MASHA NI N CHYE TIM,
SATAN GAW SHI HPE NAWKU NA MATU
SHANHTE HPE MYIT JASU YA SAI.



ARUN GAW SHAWA MASHA
NI A MYIT RA HKAN NNA
AJA SUMLA SHACHYAW AI
HTA KARUM SAI.



PRU MAT 20:4, 25:8-9, 28:1-3, 32:1-4; EZEKELA 1:10, 10:11, 28:14

ARUN GAW GRAI A-NGAWK AI. DAI
AJA SUMLA GAW HPARA N RE AI
HPE SHI CHYE TIM, SHAWA
MASHA NI HPE SHI HKRIT NGA AI.



NDAI GAW NANHTE HPE
EGUTU KAW NA WOI SHAPRAW
WA AI HPARA RE. HPAWT NI ANHTE
WAN NAT HKLINGGA NAWNG POI
KABA GALAW NNA, YEHOWA HPE
NAWKU DAW JAU NA RE.

KARAI KASANG GAW SHI HPE NAWKU
DAWJAU AI HTA KARUM NA MATU
HPA BAW SUMLA HPE MUNG N
GALAW NA HKANG DA SAI. RAI
TIM, SHANHTE GAW TINANG MYIT
LU AI HKU HKAN GALAW MA AI.

PRU MAT 32:5-10

SHAWA MASHA NI KA MANAWT
NNA LABU TAT AI NI TAT RAI MA AI.
SHANHTE CHYARU NANG NNA NUM
HTE LA HKUM HKRANG KANAWN
MA AI. KARAI KASANG SHANHTE
HPE JAHTEN KAU NNA, GUMLAU
NAT HTE SHI A SALUNG SALA LAMU
KASA NI A MATU LAJANG DA AI WAN
MANG DE BANG KAU NA RA AI.



KARAI KASANG GAW MAWSHE HPE
GA SHAGA AI..YA YU WA SU. AMYU
SHA NI YUBAK SHUT KABA SHUT
MASAI. SHANHTE SINGGU KRIN RAI
NNA, SUMLA A SHAWNG MAN KAW
KA MANAWT MA AI. SHANHTE YAWNG
HPE NGAI JAHTEN KAU MAI SAI.
SHANHTE MYIT JA MA AI. DINGHPRING
AI HKU SHANHTE N HKAWM MA AI.



AMYU SHA NI KARAI KASANG HPE MALAP KAU
NNA, SHANHTE A MATU SUMLA GALAW LA AI
HPE MU JANG, MAWSHE MASIN PAWT AI.

*NANHTE GAW,
KARAI KASANG
HKANG DA TARA
NI HPE TAWT
LAI SAI.*




JEP AI TARA KANU NI
KA DA AI LUNGPA NI HPE,
MAWSHE KABAI GA KAU SAI.



YHOWA HTA KAGA HPARA
SHAJE N NAWKU NA MATU, SHI
TSUN DA AI N RAI NI? NANHTE A
LATA HTE GALAW AI SUMLA GAW,
NANHTE A HPAN DA MADU
MAI BYIN NA KUN?

MAWSHE GAW, AJA DUMSU KASHA
SUMLA HPE AGRWP KAU NNA,
SHINGMUN SHATAI KAU SAI.

PRU MAT 20:3-4, 32:15-20




NANHTE GAW YEHOWA
MAGA DE RAI YANG NGAI HPANG
DE SA TSAP MU. EGUTU HPARA
NI HPE NAWKU JAW JAU NA
RAI YANG GAW, TINANG NGA
AI KAW TSAP MU.

PANGLAI HPE
GARAN KAU AI KARAI
KASANG GAW HKRANG SUMLA
N NGA TIM DAI KARAI
KASANG HPE MAHTANG
NGAI NAW KU NA.

ANHTE GAW
ABRAHAM, ISAK,
HTE YAKU A KARAI
KASANG HPE
NAWKU DAW JAU
NA GA AI.



YUBAK A ARI SHABRAI
GAW SI AI LAM RAI NGA AI.
SHANHTE SI RA AI NGA NNA
YEHOWA TSUN AI. NANHTE A
NHTU HPE LA NNA, NAWKU
YANG KARUM NA SUMLA NI
HPE LANG AI MASHA YAWNG
HPE, SAT KAU MU.



SAT MU!

DAI SHANI SUMLA NAWKU AI
MASHA NI HTE HKUM SHAN
KANAWN NNA SHUT HPYIT AI
MASHA MARAI 3,000 SI SAI.

HKUM RAI

**MATSAN
DUM LA MI!**


PRU MAT 32:26-28

MAWSHE GAW BUM
NTSA DE LUNG WA
NNA, KARAI KASANG
GAW SHI A HKANG
DA AI JEP AI TARA
KANU NI HPE LUNGPA
LAHKAWNG HTA SHI A
LAYUNG HTE BAI KA YA
AI. MAWSHE BAI YU WA
YANG, SHAWA MASHA
NI HPE KARAI KASANG
A HKANG DA AI JEP AI
TARA NI HPE MADUN
DAN NNA, SHANHTE
YAWNG DAI TARA NI
HPE MADAT MARA
HKAN SA NA MATU
MYIT HKRUM MA AI.






NANHTE GAW, MYIT JA NNA
GUMLANG AI AMYU RE AI LAM KARAI
KASANG TSUN AI. NANHTE YUBAK
SHUT AI SHALOI, NANHTE YAWNG HPE
SHI SAT KAU NA NGA NNA TSUN AI. RAI
TIM, NANHTE A MATU NGAI AKYU HPYI
YANG, NANHTE A YUBAK MARA HPE SHI
N SAWN YA SANA NGA AI. YEHOWA
GAW, GAJA WA TENG TENG NAN
MATSAN DUM NNA MARA DAT
YA NGA AI.



KARAI KASANG GAW NAWKU SUM LANGAI
MI GAW GAP NA MATU MATSUN NGA AI. SHI MATSUN
AI HKU HKRAK GAW GAP YANG DAI SUM HTA ANHTE HPE
SHI SA JAHKRUM NA RE. ANHTE YAWNG YUBAK MARA
LU GA AI MAJAW, KARAI KASANG HPE ANHTE SA
JAHKRUM LU NA LAM LANGAI MI LAJANG YA SAI.


LEWI MASHA NI GAW SHANI
SHAGU ASAI HKUNGA NAWNG JAU RA AI.
LANING MI HTA KALANG MI, SAKSE SUMP
NTSA E ASAI MARA DA RA AI. EGUTU MUNG
NA ZAWN, DAI SAKSE SUMP NTSA E ASAI HPE
KARAI KASANG MU JANG, ANHTE A MARA HPE
SHI LA KAU YA NNA, ANHTE N SI SANA RE.
DAI GAW YUBAK MARA DAT KAU AI KARAI
MASA RAI NGA AI.

A hand-drawn illustration of a village. In the foreground, there's a large, rectangular building with a dark roof and a thick plume of smoke rising from it. The building is surrounded by a fence. In the background, there are many smaller, simple houses with thatched roofs. The scene is set in a hazy, yellowish environment, possibly during a fire or a hot day. The drawing style is simple and sketchy.

SHING RAI, NAWKU SUM GAW GAP
NGUT NNA, HKINJAWNG WA GAW,
SHANI SHAGU HKUNNGA NAWNG YA
SAI. DUSAT ASAI HPE HKUNNGA
NAWNG YA AI NI A KAM SHAM
MYIT HPE KARAI KASANG MU AI
SHALOI, SHANHTE A YUBAK MARA
NI HPE SHI LA KAU YA SAI.

RAI TIM, SHAWA MASHA
NI GAW NAM MALI E NGA
YANG N PYAW DUM AI
MAJAW ATEN TUP A-PUT
A-NGUN NGA MA AI.

RAI TIM, LANI MI NA NHTOI HTA
SHANHTE A-PUT A-NGUN AI
LAM A MAJAW SHANHTE HPE
KARAI KASANG JEYANG SAI.

A comic book illustration of a camp at night. Two large snakes are coiled around the camp. One snake is on the left, and another is on the right. In the center, a person is standing near a tent. The scene is lit with a purple and blue glow, suggesting moonlight or firelight. A speech bubble is positioned in the upper left, and a text box is in the lower right.

**EK... SHE YU
YU MU. LAPU NI,
GRAI LAW AI.**

**KARAI KASANG GAW LAPU LAW LAW
HPE, SHANHTE BUT NGA AI DABANG
DE SA SHANGUN NNA LUM LUM RE AI
SHAN HKAN TAM MA AI. KARAI KASANG
GAW MATSAN DUM MYIT RAWNG AI
RAI TIM, YUBAK MARA HPE TUT NAWNG
SHUT NA AHKANG N JAW LU AI.**

PRU MAT 34:28-32, 39:32; BUHKAWM 21:5-6



GADE N NA YANG SHANHTE
BUT AI DABANG YAWNG HTA
LAPU HKRAI HPRING MAT SAI.



**KARAI
KASANG
E, KARLUM
LA MI!**

RAI TIM, LAPU NI GAW
SHANHTE A SUM DE SHANA
ATEN PYI SHANG WA MA AI.





KARUM LA MI, NGAI
HPE KAWA SAI.

N MAI SAI LAW...



**N RAI SAI,
JOAB!**

NU...



**MA NI PYI KANU
KAWA A YUBAK MARA
NI A MAJAW TSIN-YAM
HKRUM SHA MA AI.**

BU HKAWM 21:6




DABANG YAWNG HTA
HTA NDAI HKU BYIN AI
ZAWN SHE RAI NNA, GRAU
GRAU SAWNG WA SAI. MASHA
LAW LAW SI SAI.


DABANG YAWNG HTA, GYEK
MARAWN AI NSEN HTE
HKRAP MADAI AI NSEN NI
HPE NA LU SAI. YUBAK A
SHABRAI GAW GRAI LADU
LAI HKRA YAK NGA AI.

ANHTE MAWSHE
HPE TAM RA SAI. TENG
SHA, NDAI GAW, KARAI KASANG
GALAW DAT AI NAN RAI SAI.
SHI GAW, AMYU SHA NI A
YUBAK MARA NI A MAJAW
MASIN PAWT SAI RE.

NANG KARAI KASANG
HPE GA SHAGA RA SAI.
ANHTE GAW NDAI ARI HTE
GINGDAN GA AI. RAI TIM,
MATSAN DUM NA MATU
SHI KAW HPYI U.



YUBAK HTE SENG
NNA KARAI KASANG
SUNG SUNG AHKYAK TAWN
AI HPE AMYU SHA NI GALOI
SHARIN CHYE LA NA KUN?
SHANHTE GAW SHI HKANG
DA AI JEP AI TARA NI HPE
MADAT MARA HKAN SA
NNA, CHYOI PRA AI
AMYU TAI RA AI.



OH! KARAI
KASANG E... NA AMYU
MASHA NI HPE MATSAN
DUM LA MI. SHANHTE A
YUBAK MARA NI HPE RAW
DAT KAU YA MI.

SA WA SU... SHAWA
MASHA NI HPE ACHYE AI
LAPU NI ZAWN RE AI MAGRI
LAPU SUMLA GALAW U. YAWNG
JAWM MU MADA LU HKRA DAI
MAGRI LAPU HPE SHADAW HTA
GYIT SHAKAP DA U. DAI MAGRI
LAPU HPE SHARAWT MADA YU
YANG KALANG TA MAI TSAI
WA NA LAM, SHANHTE
HPE TSUN U.


KARAI KASANG GAW,
LAM LAMA MI HKU LAJANG
YA SAI. MAGRI LAPU HPE SHA
MADA YU DAT YANG, NANHTE
MAI TSAI WA NA RE.





SHI SI
NA SHA
RAI SAI.

N MAI NA RE.
KARAI KASANG GAW
LAM AMYU MI HPAW
YA SAI. MYI HPAW
NNA YU DAT U. YU
NNA HKRUNG U.



**MAUHPA
LAMIK
KUMLA WA
RAI SA !**


**KAGA MASHA
NI HPE TSUN
DAN RA GA AI.**

**NGAI HTA MAI
WA AI. KAGA NI
HPE MUNG TSUN
DAN NA.**



**YU NNA
HKRLING MU !**

BU HKAWM 21:9



MYIT MADA LAM
MASU AI THE, SHANHTE
HPE HPA MAJAW SHALA
CHYAI NGA NNI?

KAGA MASHA
NI GAW, MADA YU
NNA MAI TSAI
WA MASAI.

NGAI SI WA NGA AI
HPE NANG N MU NNI? HPA
MAJAW NANG NGAI HPE, DAI
ZAWN NGA AI A-NGAWK A-
NGAK LAM HTE SA SHARU
SHATSANG NGA NNI?



SHI SI
MAT SAI.

KANING N CHYE
DI SAI. MYIT GAW
N PYAW AI. SHI N
KAM AI RE.


SHI GRAI
GUMRAWNG AI.

AMYU SHA NI GAW KARAI KASANG
A ATSAM HPE KALANG MI BAI MU LU
MASAI. DABANG GAW LAPU HTE
TSAN TSAN DE HTAWT MAT WA NNA,
MI NA RAW BAI HKRAK MAT SAI.



RAI TIM, AMYU SHA NI GAW
SHANHTE RA AI LAM HKU BAI
SA WA MA AI. KARAI KASANG
A HKANG DA AI TARA NI HPE
HKAN SA NA, YA SHA YA
SHA DUMHPRUT KAU MA AI.






ISRAELA KASHU KASHA NI
GAW SUMMWI A HPANG HKAN
SA MA AI. KARAI KASANG GAW,
SHANHTE HPE MANNA MUK HTE
BAU NNA, LU HKA JAW AI.

SHANHTE HPE GA SADI LAMU GA DE SHI MOI WOI
SHANG WA LU AI RAI TIM, SHANHTE GUMLANG NNA, SHI
A HKANG DA AI TARA NI HPE N HKAN SA MA AI MAJAW,
NAM MALI E 40 NING DAM HKAWM SHANGUN SAI.

BU HKAWM 21:9, 32:13




MAWSHE... NANG CHYU SHA KARAI KASANG HTE HTEP HTEP NGA
AI WA NGU MYIT NNI? ANHTE MUNG NANG HTE MAREN CHYOI PRA
SAN SENG GA AI. GAJA WA NGA YANG, SHAWA HPAWNG TING CHYOI
PRA AI. ANHTE KAW YUBAK KAP AI MASHA N NGA SAI. KARAI KASANG
MUNG ANHTE A LAPRAN E SHANU NGA AI. ANHTE HPE HPA GALAW
SHANGUN NA THE, ANHTE A N TSA TARA AGYI TAI NA ARUN
NAN NAU HPE ANHTE N RA GA AI. ANHTE MUNG NAN
ZAWN LU JEYANG GA AI.

TENG AI. NDAI NAM
MALI KATA WAM DAM
HKAWM NNA, MARA KAJI
KAJAW HTE SHA KARAI KASANG
ANHTE HPE SAT NGA AI LAM,
GRAI JIN MAT SAGA AI.

RE.. MAWSHE
SHUT AI RE. SHI TAWN
DA AI SHADAWN SHADANG
NAU TSAW AI.

MAWSHE GAW NAWKU SUM
KATA DE SHANG NNA, HPA
GALAW NA LAM KARAI
KASANG HPE SAN AI.






KARAI KASANG TSUN AI. NANHTE
LEWI SHADANG SHA NI HKRAI LIT NAU
LA SAI. KARAI KASANG N SAN DA AI
MASHA NI HKINJAWNG TAI NGA
MYIT DAI, NGA AI.

HPAWT NI ANHTE YAWNG A
LAPRAN E KARAI KASANG JEYANG YA NNA,
KADAI NI KARAI KASANG A HKINJAWNG RE AI
LAM, KADAI CHYOI PRA AI, KADAI GAW N CHYOI
PRA AI HPE CHYE LU NA RE. HPAWT DE NAWKU
SUM DE SA MARIT. JARUNG NI HTA WAN
BANG NNA LA SHANG WA MU.

BU HKAWM 16:2-6



HPANG SHANI,

CHYOI PRA AI LAM YIN
LA AI NI, HKINJAWNG TAI NNA
AMYU SHA NI HPE UP NA NI
SIT SA WA MARIT.

KARAI KASANG GAW DAI NI,
ANHTE HPE HKRUM NNA LATA
LA NA RE. SHI A ATSAM HTE
HPUNG SHINGKANG HPE ANHTE
MU LU NA RE.



**NDAI N HKRU N KAJA
AI MASHA NI HPE KADE NNA
YANG NGAI SAT KAU SANA RE
AI MAJAW, SHANHTE KAW NA
GARAN PRU WA MU.**



**SHANHTE A GINSUM
NI KAW NA TSAN TSAN
DE PRU WA MU. SHANHTE
A MAKAU DE HKUM SHANI
SA MU. SHING N RAI YANG
SHANHTE HTE RAI SI
LAWM MAT NA.**



NDAI HKU CHYAM
DINGLIK YU NA RE. NDAI
MASHA NI SHAWOI NA SHINGRA
TARA HKU SI YANG, NGAI GAW
MYIHTOI MASU RAI NNA, KARAI
KASANG NGAI HKU GA N
SHAGA AI RAI NA RE.



RAI TIM, NANHTE
DAI NI AMU NINGNAN HPE
MU YANG, A-GA GA MAHKA WA
NNA SHANHTE HTE SHANHTE
LU MALU YAWNG HPE NGARAI
NHKUN KATA DE MAYU KAU AI
RAI YANG, KARAI KASANG HPE
SHANHTE YUBAK SHUT NNA
NGAI MAHTANG TENG MAN AI
MYIHTOI RE AI LAM NANHTE
CHYE LU NA RE.

HTEEM...

GLUK...

HKYE LA MI !

AKAA LAW...


**N RAI SAI
LAW...**



HKINGJAWNG TAI MAYU NNA SHAKUT
AI LA NI YAWNG GAW, GUMLAU NAT
HTE SHI A N HKRU AI SALLING SALA NI
A MATU LAJANG DA AI NGARAI WAN
MANG DE, MAYU KAU AI HKRUM SAI.



BU HKAWM 16:28-33



MAGRI BAN
NI HPE HTA LA
NNA HKUNG-RI
MAGAP GALAW
MU. HKUNG-RI
MAGAP AI MAGRI
BAN HPE


NANHTE MU YANG,
KARAI KASANG HKANG DA
AI TARA HPE SHANHTE N-GAWN
N-SAWN DI NNA, TINANG HKUM
HPE HKINJAWNG TAI NA LAM TAM
AI NDAI NHTOI HPE, NANHTE
DUM LU NA MYIT DAI.

DAI NHTOI GAW ISRAELA KASHU
KASHA NI GALOI MUNG N MALAP
KAU LU NA SHANI RAI NGA AI.
KARAI KASANG GAW, MAWSHE
SHA, SHI A MYIHTOI RE LAM HTE,
KARAI KASANG LATA SAN DA AI NI
CHYU SHA, HKINJAWNG TAI LU AI
LAM, ASAN SHA MADUN DAN SAI.


KARAI KASANG
A HPUNG SHINGKANG
GAW ANHTE HTE RAU
NGA NNA, SHI GAW
ANHTE HPE LAMU
DE NA MUK JAHKRAT
YA AI.

KARAI KASANG A HPUNG SHINGKANG GAW
MAWSHE A HPANG KABU GARA HKAN NANG
AI SHAWA MASHA NI A NTSA E KA-UP NNA,
SHANING 40 TUP SHANHTE A SHAWNG DE
HPANG DE HKAN SHINGNIP YA NGA AI.






KARAI KASANG GAW, LAMU
DE NA MUK HPE MATUT
MANOI JAHKRAT YA NNA
SHI GAW SHANHTE A
MATU NLLUNG HTA NA HKA
SHAPRAW YA AI. SHANA TEN
SHANHTE HPE WAN SHADAW
KA-UP YA NNA, SHANI TEN
SUMMWI SHINGNIP JAW AI.
SHANHTE BUT HKRING SA
NNA, KARAI KASANG A HKANG
DA AI TARA HPE HKAN NANG
LU HKRA SHARIN LA MA AI.



HKINJAWNG NI GAW
NAWKU GINSUM DE SHANG
NNA, MAWSHE HKANG DA
AI HTE MAREN SHANI
SHAGU NA HKUNGGGA
NAWNG JAU MA AI.



NAM MALI E SHANING 40 LAI AI
HPANG, MASHA HKUM SHAGU GAW
GA SADI MUNG DE SHANG NA MATU
HKYEN SHAJIN NGA YANG MAWSHE
HPE BUM NNTSA DE KARAI KASANG
SHAGA LA SAI. SHI GAW, KARAI
KASANG HTE GA SHAGA NGUT JANG,
KALENG TAW NNA SIM SA AI HTE
NSA HTI MAT SAI.



SHI A WENYI HPE KARAI KASANG
A MAN DE KALANG TA JASHAWN
LA SAI. DAI HPANG SHI GAW,
ABRAHAM HPE KARAI KASANG AP
YA NA GA SADI JAW DA AI
MUNG DAN NA AMYU SHA NI HTE
ANHTE RAI ZUPHPAWNG AI
HPANG JAHTUM NHTOI DU HKRA,
SHANU NGA NA RAI NGA AI.

BC 1451 DARAM... TARA JAHPRANG 34:4-5

ABRAHAM HPE SHI A DUM NTA MASHA
AMYU NI KAW NA PRU NNA, YEHOWA
KARAI KASANG JAW NA, LAMU GA DE
SA SHANGUN AI TEN KAW NA SHANING
500 DARAM LAI MAT SAI.




ABRAHAM YAN SARA
HPE SHAN A SHADANG SHA
ISAK HKU NNA AMYU KABA
SHATAI DAT NA LAM, KARAI
KASANG A GA SADI DIK WA
SAI. ISRAELA A SHADANG
SHA 12 GAW, AMYU KABA
12 TAI WA NNA LAW HTAM
MAYAT MAYA WA MASAI.





SHANHTE GAW MAYAM PRAT KAW NA LAWY PRU
NNA, NAM MALI HTA MAWSHE HTE RAI BU HKAWM
YANG KARAI KASANG A TARA HPE MUNG HKAP LA
NGUT JANG YA HPANG JAHTUM E GA SADI MUNG
DE SHANG NA SHA RAI MASAI. NAM MALI HKRUN
LAM DINGYANG, SHABRANG KASHA LANGAI MI GAW
MAWSHE HTE RAI HKAWM SA NNA AMYU SHA NI
HPE WOI AWN NA LADAT HPE SHARIN LA NGA AI.



DAI SHABRANG MA GAW KUNG
KABA WA NN HPYEN JAIBU
YAWSHU BYIN WA SAI.

KARAI KASANG KAW MAWSHE
WA MAT AI HPANG, KARAI
KASANG GAW ABRAHAM HPE
GA SADI JAW DA AI MUNG DE
ISRAELA AMYU SHA NI HPE WOI
SHANG WA NA MATU, YAWSHU
HPE LATA SAN DA SAI.



AMYU SHA NI GAW CHYASAM MAIGAN GA DE
MANAM SA TAI NNA, SHANING 400 NING LAI
JANG SHANHTE A KAJI KAWA NI A LAMU GA DE
KARAI KASANG BAI WOI WA NA LAM, MYIHTOI
GA HTA TSUN DA AI HPE DUM MA AI. KARAI
KASANG GAW SHI A GA SADI HPE SHATUP SAI.



SHANHTE YAWDAN HKA RAP AI
SHANI KAW NA, MANNA MUNG
N HKRAT SAI. DAI BUGA NA
LUSHA NINGNAN A KATSING
SHA RE AI SHA MA AI.

DINGLA E, NDAI GAW
KARAI KASANG JAW
AI KAJA DIK LAMU GA
SHE RAI NGA AI.



RE... ANHTE A KASHA
NI HPE BALI MAKI NNA
CHYOI PRA SAN SENG AI
HTE NGWI PYAW AI HKU
CHYE NGA HKRA SHARIN
YA NA, KAJA DIK
SHARA NAN RAI SAI.

TARA JAHPRANG 34:9; YAWSHU 5:12



<https://goodandevilbook.com/>